

辯中邊論卷上

竭

世親菩薩造

大唐三藏法師玄奘奉

詔譯

辯相品第一

稽首造此論善逝體所生及教我等師當勤顯斯義

此中最初安立論體頌曰

唯相障真實及修諸對治即此修分位得果無上乘

論曰此論唯說如是七義一相二障三真實四修諸對治五即此修分位六得果七無上乘今於此中先辯其相頌曰

虛妄分別有於此二都無此中唯有空於彼亦有此

論曰虛妄分別有者謂有所取能取分別於此二都無者謂即於此虛妄分別永無所取能取二性此中唯有空者謂虛妄分別中但有離所取及能取空性於彼亦有此者謂即於彼二空性中亦但有此虛妄分別若於此非有由彼觀為空所餘非無故如

實知為有若如是者則能無倒顯示空相復次頌曰

故說一切法非空非不空有無及有故是則契中道

論曰一切法者謂諸有為及無為法虛妄分別名有為二取空性名無為依前理故說此一切法非空非不空由有空性虛妄分別故說非空由無所取能取性故說非不空有故者謂有空性虛妄分別故無故者謂無所取能取二性故及有故者謂虛妄分別中有空性故及空性中有虛妄分別故是則契中道者謂一切法非一向空亦非二向不空如是理趣妙契中道亦善符順般若等經說一切法非空非有如是已顯虛妄分別有相無相此自相今當說頌曰

識生變似義有情我及了此境實非有境無故識無

論曰變似義者謂似色等諸境性現變似有情者謂似自他身五根性現變似我者謂染末耶與我癡等恒相應故變似了者謂餘六識了相應故

此境實非有者謂似義似根無行相故似我似了非真現故皆非實有境無故識無者謂所取義等四境無故能取諸識亦非實有復次頌曰

虛妄分別性由此義得成非實有全無許滅解脫故

論曰虛妄分別由此義故成非實有如所現起非真有故亦非全無於中少有亂識生故如何不許此性全無以許此滅得解脫故若異此者繫縛解脫則應皆無如是便成撥無難淨及清淨失已顯虛妄分別自相此攝相今當說但有如是虛妄分別即能具攝三種自性頌曰

唯所執依他及圓成實性境故分別故及二空故說

論曰依止虛妄分別境故說有遍計所執自性依止虛妄分別性故說有依他起自性依止所取能取空故說有圓成實自性已顯虛妄分別攝相當說即於虛妄分別入無相方便相頌曰

依識有所得境無所得生依境無所得

識無所得生

論曰依止唯識有所得故先有於境無所得生復依於境無所得故後有於識無所得生由是方便得入所取能取無相復次頌曰

由識有得性亦成無所得故知二有得無得性平等

論曰唯識生時現似種種虛妄境故名有所得以所得境無實性故能得實性亦不得成由能得識無所得故所取能取二有所得平等俱成無所得性顯入虛妄分別無相方便相已此差別異門相今次當說頌曰

三界心心所是虛妄分別唯了境名心亦別名心所

論曰虛妄分別差別相者即是欲界色無色界諸心心所異門相者唯能了境惣相名心亦了差別名為受等諸心所法今次當說此生起相頌曰一則名緣識第二名受者此中能受用分別推心所

論曰緣識者謂藏識是餘識生緣故藏識為緣所生轉識受用主故名為

辯中邊論卷上 第四頌 竭

受者此諸識中受能受用想能分別思作意等諸相應行能推諸識此三助心故名心所今次當說此雜染相頌曰

覆障及安立將導攝圓滿三分別受用引起并連縛現前苦果故唯此世間三二七雜染由虛妄分別

論曰覆障故者謂由無明覆如實理障真是故安立故者謂由諸行植本識中業薰習故將導故者謂有取識引諸有情至生處故攝故者謂名色攝有情自體故圓滿故者謂六內處令諸有情體具足故三分別故者謂觸能分別根境識三順三受故受用

故者謂由受支領納順違非二境故引起故者謂由愛力令先業所引後有得起故連縛故者謂取令識緣順欲等連縛生故現前故者謂由有力令已作業所與後有諸異熟果得現前故苦果故者謂生老死性有逼迫

酬前因故唯此所說十二有支遍惱世間令不安隱三雜染者一煩惱雜染謂無明愛取二業雜染謂行有三

辯中邊論卷三 第五頌 竭

生雜染謂餘支二雜染者一因雜染謂煩惱業二果雜染謂所餘支七雜染者謂七種因一顛倒因謂無明二牽引因謂行三將導因謂識四攝受

因謂名色六處五受用因謂觸受六引起因謂受取有七狀怖因謂生老死此諸雜染無不皆由虛妄分別而得生長此前惣顯虛妄分別有九種相一有相二無相三自相四攝相五

入無相方便相六差別相七異門相八生起相九雜染相如是已顯虛妄分別今次當說所知空性頌曰諸相及異門義差別成立應知二空性略說唯由此

論曰應知所取能取空性略說但由此相等五所知空性其相云何頌曰無二有無故非有亦非無非異亦非一是說為空相

論曰無二謂無所取能取有無謂有二取之無此即顯空無性為性故此

辯中邊論卷上 第六頌 竭

若異應成法性異法便違正理如苦等性若一則應非淨智境亦非共相此即顯空與妻分別離一異相所知空性異門云何頌曰

略說空異門謂真如實際無相勝義性法界等應知

論曰略說空性有此異門云何應知此異門義頌曰

由無變無倒相減聖智境及諸聖法因異門義如次

論曰即此中說所知空性由无變義說為真如真性常如無轉易故由無倒義說為實際非諸顛倒依緣事故由相減義說為無相此中永絕一切相故由聖智境義說為勝義性是最勝智所行義故由聖法因義說為法界以一切聖法緣此生故此中界者即是因義無我等義如理應知云何應知空性差別頌曰

此雜染清淨由有垢無垢如水界全空淨故許為淨

論曰空性差別略有二種一雜染二清淨此成染淨由分位別謂有垢位

說為雜染出離垢時說為清淨雖先雜染復成清淨而非轉變成無常失如水界等出離客塵空淨亦然非性轉變此空差別復有十六謂內空外空內外空大空空勝義空有為空無為空畢竟空無際空無散空本性空相空一切法空無性空無性自性空此等略義云何應知頌曰

能食及所食此依身所住能見此如理所求二淨空為常益有情為不捨生死為善無窮盡故觀此為空為種性清淨為得諸相好為淨諸佛法故菩薩觀空論曰能食空者依內處說即是內空所食空者依外處說即是外空此依身者謂能所食所依止身此身空故名內外空諸器世間說為所住此相寬廣故名大所住空故名大空能見此者謂智能見內處等空空智空故說名空空如理者謂勝義即如實行所觀真理此即空故名勝義空菩薩修行為得二淨即諸有為無為善法此二空故名有為空及無為空為於有情常作饒益而觀空故名畢

竟空生死長遠無初後際觀此空故名無際空不觀為空便速厭捨為不厭捨此生死故觀此無際生死為空為所修善至無餘依般涅槃位亦無散捨而觀空故名無散空諸聖種姓自體本有非習所成說名本性菩薩為此速得清淨而觀空故名本性空菩薩為得大士相好而觀空故名相空菩薩為令力無畏等一切佛法皆得清淨而觀此空故名一切法空是十四空隨別安立此中何者說名為空頌曰

補特伽羅法實性俱非有此無性有性故別立二空

論曰補特伽羅及法實性俱非有故名無性空此无性空非無自性空以無性為自性故名無性自性空於前所說能食空等為顯空相別立二空此為遮止補特伽羅法增益執空損減執如其次第立後二空如是已顯空性差別此成立義云何應知頌曰此若無非染一切應自脫此若無清淨功用應無果

論曰若諸法空未生對治無客難染者一切有情不由功用應自然解脫若對治已生亦不清淨則應求解脫勤勞無果既亦頌曰

非染非不染非淨非不淨心性本淨故由客塵所染

論曰云何非染非不染以心性本淨故云何非淨非不淨由客塵所染故是名成立空差別義此前五義慈有二種謂相安立相復有二謂無及有空性有相離有離無離異離一以為其相應知安立即異門等

辯障品第二

已辯其相障今當說頌曰
具分及一分增盛與平等於生死取捨說障二種性

論曰具分障者謂煩惱障及所知障於諸菩薩種性法中具為障故一分障者謂煩惱障聲聞等種性法故增盛障者謂即彼貪等行平等障者謂即彼等分行取捨生死能障菩薩種性所得無住涅槃名於生死有取捨障如是五障隨其所應說障菩薩

辯中邊論卷上 第十張 增

及聲聞等二種種性復次頌曰
九種煩惱相謂受等九結初二障捨捨餘七障真是謂能障身見彼事滅道實利養恭敬等速離遍知故

論曰煩惱障相略有九種謂受等九種結愛結障由由此於順境不能歇離故意結障捨由此於違境不能棄捨故餘七結障真是於七遍知如火障故謂煩惱能障身見遍知修現觀時有聞無聞我慢現起由此勢力彼不斷故無明結能障身見事遍知由此不知諸取蘊故見結能障滅諦遍知由薩迦耶及邊執見怖畏滅故由邪見謗滅故取結能障道諦遍知取餘法為淨故疑結能障三寶遍知由此不信受三寶功德故嫉結能障利養恭敬等遍知由此不見彼過失故慳結能障遠離遍知由此貪著資生具故復有別障能障善等十種淨法其相云何頌曰

無加行非處不如理不生不起正思惟
（糞未圓滿開種性善友心極疲厭性
及關於正行鄙惡者同居倒處重三餘

辯中邊論卷上 第十張 增

般若未成熟及本性嚴重懈怠放逸性者有著資財及心性下劣不信無勝解如言而思義輕法重名利於有情無悲憫聞及少聞不修治妙定

論曰如是名為善等法障所障事其相云何頌曰

善菩提攝受有慧無亂障迴向不怖慍自在名善等

論曰如是善等十種淨法誰有前說幾種障耶頌曰

如是善等十各有前三障

論曰善有三障一無加行二非處加行三不如理加行菩提有三障一不生善法二不起正思惟三資糧未圓滿發菩提心名為攝受此有三障一開種性二開善友三心極疲厭性有慧者謂菩薩於此性有三障障一關正行二鄙者共住三惡者共住此中鄙者謂愚癡癡樂毀壞他名為惡者無亂有三障一顛倒處重二煩惱等三障中隨一有餘性三能成熟解脫慧未成熟性障斷滅名無障此有三障一俱生處重二懈怠性三放逸

辯中邊論卷上 第十張 增

性迴向有三障令心向餘不向無上正等菩提一貪著諸有二貪著資財三心下劣性不怖有三障一不信重補特伽羅二於法無勝解三如言而思義不慚有三障一不尊重正法二尊重名譽利養恭敬三於諸有情心無悲愍自在有三障今不得自在一墮間生長能感匱法業故二少聞三不修治勝三摩地

復次如是諸障於善等十隨緣義中有十能作即依彼義應知此名十能作者一生起能作如眼等於眼識等二安住能作如四食於有情三任持能作謂能任持如器世間於有情世間四照了能作如光明於諸色五變壞能作如火等於所熟等六分離能作如鐵等於所斷等七轉變能作如金師等轉變金等成銀銅等八信解能作如烟等於火等九顯了能作如因於宗十至得能作如聖道等於涅槃等依如是義故說頌言
能作有十種 謂生住持照變分離轉變
信解顯至得 如識因食地燈火鑽工巧

烟因聖道等 於識等所作

於善等障應知亦然一生起障謂於其善以諸善法應生起故二安住障謂於菩提以大菩提不可動故三任持障謂於攝受以菩提心能任持故四照了障謂於有慧以有慧性應照了故五變壞障謂於無亂轉滅迷亂名變壞故六分離障謂於無障此於障難繫故七轉變障謂於迴向以菩提心轉變相故八信解障謂於不怖無信解者有怖畏故九現了障謂於不慚於法無慚者為他顯了故十至得障謂於自在此是能得自在相故所障十法次第義者謂有欲證無上菩提於勝善根先應生起勝善根力所任持故必得安住無上菩提為令善根得增長故次應發起大菩提心此菩提心與菩提性為所依止如是菩薩由已發起大菩提心及勝善根力所持故斷諸亂倒起無亂倒由見道中無亂倒故次於修道斷一切障既斷障已持諸善根迴向無上正等菩提由迴向力所任持故於深廣法便

無怖畏既無怖畏便於彼法見勝功德能廣為他宣說開示菩薩如是種種功德力所持故疾證無上正等菩提於一切法皆得自在是名善等十義次第雖善等法即是覺分波羅蜜多諸地功德而惣別異今應顯彼菩提分等諸障差別頌曰
於覺分度地有別障應知

論曰復於覺分波羅蜜多諸地功德各有別障於菩提分有別障者頌曰於事不善巧懈怠定減二不植羸劣性見羸重過失

論曰於四念住有於諸事不善巧障於四正斷有懈怠障於四神足有三摩地減二事障一於圓滿欲勤心觀隨減一故二於修習八斷行中隨減一故於五根有不植圓滿順解脫分勝善根障於五力有羸劣性障謂即五根由障所雜有羸劣性於七等覺支有見過失障此是見道所顯示故於八聖道支有過重過失障此是修道所顯示故於到彼岸有別障者頌曰障富貴善趣不捨諸有情於失德減增

令趣入解脫障施等諸善無盡亦無間所作善決定受用法成熟

論曰此說十種波羅蜜多所得果障以顯十種波羅蜜多自性之障謂於布施波羅蜜多說富貴自在障於淨戒波羅蜜多說善趣障於安忍波羅蜜多說不捨有情障於精進波羅蜜多說減過失增功德障於靜慮波羅蜜多說今所化趣入法障於般若波羅蜜多說解脫障於方便善巧波羅蜜多說施等善無窮盡障由此迴向無上菩提令施等善無窮盡故於願波羅蜜多說一切生中善無間轉障由大願力攝受能順善法生故於力波羅蜜多說所作善得決定障由思擇力及修習力能伏彼障非彼伏故於智波羅蜜多說自他受用法成熟障不如聞言而覺義故於地功德有別障者頌曰

遍行與取勝勝流及無攝相續無差別無雜染清淨種種法無別及不增不減并無分別等四自在依義於斯十法界有不染無明障十地功德故說為十障

辯中邊論卷上

第十六頌 渴

論曰於遍行等十法界中有不染無知障十地功德如次建立為十地障謂初地中所證法界名遍行義由通達此證得自他平等法性第二地中所證法界名最勝義由通達此作是思惟是故我今於同出離一切行相應遍修治是為勤修相應出離第三地中所證法界名勝流義由通達此知所聞法是淨法界最勝等流為求此法設有火坑量等三千大千世界投身而取不以為難第四地中所證法界名無攝義由通達此乃至法愛亦皆轉滅第五地中所證法界名為相續無差別義由通達此得十意樂平等淨心第六地中所證法界名無雜染無清淨義由通達此知緣起法無染無淨第七地中所證法界名種種法無差別義由通達此知法無相不行契經等種種法相中第八地中所證法界名不增不減義由通達此圓滿證得無生法忍於諸清淨雜染法中不見一法有增有減有四自在一無分別自在二淨土自在三智自

辯中邊論卷上

第十七頌 不

在四業自在法界為此四種所依名四自在所依止義第八地中唯能通達初二自在所依止義第九地中亦能通達智自在所依義圓滿證得無導解故第十地中復能通達業自在所依義隨欲化作種種利樂有情事故復略頌曰

已說諸煩惱及諸所知障許此二盡故一切障解脫

論曰由此二種攝一切障故許此盡時一切障解脫前障惣義有十一種一廣大障謂具分障二狹小障謂一分障三加行障謂增盛障四至得障謂平等障五殊勝障謂取捨生死障六正加行障謂九煩惱障七因障謂於善等十能作障八入真實障謂覺分障九無上淨障謂到彼岸障十此差別趣障謂十地障十一攝障謂略二障

辯中邊論卷上

癸卯歲高麗國大藏都監奉勅雕造

辯中邊論卷上

第十八頌 渴

辯中邊論卷中

世親菩薩造

大唐三藏法師玄奘奉

詔譯

竭

辯真實品第三

已辯其障當說真實頌曰

真實唯有十謂根本與相無顛倒因果
及麤細真實極成淨所行攝受并差別
十善巧真實皆為除我見

論曰應知真實唯有十種一根本真
實二相真實三無顛倒真實四因果
真實五麤細真實六極成真實七淨
所行真實八攝受真實九差別真實
十善巧真實此復十種為欲除遣十
我見故十善巧者一蓋善巧二界善
巧三處善巧四緣起善巧五處非處
善巧六根善巧七世善巧八諦善巧
九乘善巧十有為無為法善巧此中
云何根本真實謂三自性一遍計所
執自性二依他起自性三圓成實自
性依此建立餘真實故於此所說三
自性中許何義為真實頌曰
許於三自性唯一常非有一有而不真

一有無真實

論曰即於如是三自性中遍計所執
相常非有唯常非有於此性中許為
真實無顛倒故依他起相有而不真
唯有非真於依他起許為真實有亂
性故圓成實相亦有非有唯有非有
於此性中許為真實有空性故云何
相真實頌曰

於法數取趣及所取能取有非有性中
增益損減見知此故不轉是名真實相
論曰於一切法補特伽羅所有增益
及損減見若知此故彼便不轉是遍
計所執自性真實相於諸所取能取
法中所有增益及損減見若知此故
彼便不轉是名依他起自性真實相
於有非有所有增益及損減見若知
此故彼便不轉是名圓成實自性真
實相此於根本真實相中無顛倒故
名相真實無顛倒真實者謂無常若
空無我性由此治彼常等四倒云何
應知此無常等依彼根本真實立耶
頌曰

無性與生滅垢淨三无常所取及事相

和合若三種空亦有三種謂無異自性
無相及異相自相三無我如次四三種
依根本真實

論曰無常三者一無性無常謂遍計
所執此常無故二生滅無常謂依他
起有起盡故三垢淨無常謂圓成實
位轉變故若三種者一所取苦謂遍
計所執是補特伽羅法執所取故二
事相苦謂依他起三苦相故三和合
苦謂圓成實苦相合故空有三者一
無性空謂遍計所執此無理趣可說
為有由此非有說為空故二異性空
謂依他起如妄所執不如是有非一
切種性全無故三自性空謂圓成實
二空所顯為自性故無我三者一無
相無我謂遍計所執此相本無故名
無相即此無相說為無我二異相無
我謂依他起此相雖有而不如彼遍
計所執故名異相即此異相說為無
我三自相無我謂圓成實無我所顯
以為自相即此自相說為無我如是
所說無常苦空無我四種如其次第
依根本真實各分為三種四各三種

如前應知因果真實謂四聖諦云何此依根本真實頌曰

若三相已說集亦有三種謂習氣等起及相未離繫自性二不生垢寂二三滅遍知及永斷證得三道諦

論曰若諦有三謂無常等四各三相如前已說集諦三者一習氣集謂遍計所執自性執習氣二等起集謂業煩惱三未離繫集謂未離障真如滅諦三者一自性滅謂自性不生故二二取滅謂所取能取二不生故三本性滅謂垢寂二即擇滅及真如道諦三者一遍知道二永斷道三證得道應知此中於遍計所執唯有遍知於依他起有遍知及永斷於圓成實有遍知及證得故依此三建立道諦廣細真實謂世俗勝義諦云何此依根本真實頌曰

應知世俗諦差別有三種謂假行顯了如次依本三勝義諦亦三謂義得正行依本一無變無倒二圓實

論曰世俗諦有三種一假世俗二行世俗三顯了世俗此三世俗如其次

辯中邊論卷中

第四頌

頌

第依三根本真實建立勝義諦亦三種一義勝義謂真如勝智之境名勝

義故二得勝義謂涅槃此是勝果亦義利故三正行勝義謂聖道以勝法為義故此三勝義應知但依三根本中圓成實立此圓成實應有二種無為有為有差別故無為惣攝真如涅槃無變異故名圓成實有為惣攝一切聖道於境無倒故亦名圓成實極成真實略有二種一者世間極成真實二者道理極成真實云何此二依彼根本真實立耶頌曰

世極成依一理極成依三

論曰若事世間共所安立串習隨入覺慧所取一切世間同執此事是地非火色非聲等是名世間極成真實此於根本三真實中但依遍計所執而立若有理義聰敏賢善能尋思者依止三量證成道理施設建立是名道理極成真實此依根本三真實立淨所行真實亦略有二種一煩惱障淨智所行真實二所知障淨智所行真實云何此二依彼根本真實而立

辯中邊論卷中

第五頌

頌

頌曰

淨所行有二依一圓成實

論曰煩惱所知二障淨智所行真實唯依根本三真實中圓成實立餘二非此淨智境故云何應知相名分別真如正智攝在根本三真實耶頌曰名遍計所執相分別依他真如及正智圓成實所攝

論曰相等五事隨其所應攝在根本三種真實謂名攝在遍計所執相及分別攝在依他圓成實攝真如正智差別真實略有七種一流轉真實二實相真實三唯識真實四安立真實五邪行真實六清淨真實七正行真實云何應知此七真實依三根本真實立耶頌曰

流轉與安立邪行依初二實相唯識淨正行依後一

論曰流轉等七隨其所應攝在根本三種真實謂彼流轉安立邪行依根本中遍計所執及依他起實相唯識清淨正行依根本中圓成實立善巧真實謂為對治十我見故說有十種

辯中邊論卷中

第六頌

頌

云何於蘊等起十我見耶頌曰

於蘊等我見執一因受者作者自在轉
增上義及常難染清淨依觀縛解者性
論曰於蘊等十法起十種我見一執
一性二執因性三執受者性四執作
者性五執自在轉性六執增上義性
七執常性八執染淨所依性九執觀
行者性十執縛解者性為除此見
十善巧云何十種善巧真實三根
本真實建立以蘊等十無不攝在三
種根本自性中故如何攝在三自性
中頌曰

此所執分別法性義在彼

論曰此蘊等十各有三義且色蘊中
有三義者一所執義色謂色之遍計
所執性二分別義色謂色之依他起
性此中分別以為色故三法性義色
謂色之圓成實性如色蘊中有此三
義受等四蘊界等九法各有三義隨
應當知如是蘊等由三義別无不攝
入彼三性中是故當知十善巧真實
皆依根本三真實而立如是雖說為
欲對治十種我見故修蘊等善巧而

辯中邊論卷中

第一品

未說此蘊等別義且初蘊義云何應
知頌曰

非一及惣略分段義名蘊

論曰應知蘊義略有三種一非一義
如契經言諸所有色等若過去若未
來若現在若內若外若廣若細若劣
若勝若遠若近二惣略義如契經言
如是一切略為一聚三分段義如契
經言說名色蘊等各別安立色等相
故由斯聚義蘊義得成又見世間聚
義名蘊已說蘊義界義云何頌曰
能所取彼取種子義名界

論曰能取種子義謂眼等六內界所

取種子義謂色等六外界彼取種子

義謂眼識等六識界已說界義優義

云何頌曰

能受所了境用門義名處

論曰此中能受受用門義謂六內處

若所了境受用門義是六外處已說
優義緣起義云何頌曰

緣起義於因用無增減
論曰於因果用若無增益及無損減
是緣起義應知此中增益因者執行

辯中邊論卷中

第一品

辯中邊論卷中

第九品

等有不平等因損減因者兼彼無因
增益果者執有我行等緣無明等生
損減果者執無明等無行等果皆益
用者執無明等於生行等有別作用
損減用者執無明等於生行等全無
功能若無如是三增減執應知彼於
緣起善巧已說緣起義處非優義云
何頌曰

於非受受淨俱生及勝主得行不自在
是處非優義

論曰處非優義略由七種不得自在

應知其相一於非愛不得自在謂由

惡行雖無愛欲而墮惡趣二於可愛

不得自在謂由妙行雖無愛欲而昇

善趣三於清淨不得自在謂不斷五

蓋不作七覺支決定不能作苦邊除

四於俱生不得自在謂一世界元二

如來二轉輪王俱時出現五於勝主

不得自在謂女不作轉輪王等六於

證得不得自在謂女不證獨覺無上

正等菩提七於現行不得自在謂見

諦者必不現行害生等事諸異生類

容可現行多界經中廣說此等應隨

決了是處非處如是已說處非處義根義云何頃曰

根於取住續用二淨增上

論曰二十二根依於六事增上義立謂於取境眼等六根有增上義命根於住一期相續有增上義男女二根於續家族有增上義於能受用善惡業果樂等五根有增上義於世間淨信等五根有增上義於出世淨未知等根有增上義已說根義世義云何頃曰

因果已未用是世義應知

論曰應知因果已未受用隨其所應三世義別謂於因果俱已受用是過去義若於因果俱未受用是未來義若已受用因未已受用果是現在義已說世義諦義云何頃曰

受及受資糧彼所因諸行二寂滅對治是諦義應知

論曰應知諦者即四聖諦一苦聖諦謂一切受及受資糧契經中說諸所有受皆是苦故受資糧者謂順受法二集聖諦謂即彼苦所因諸行三滅

辯中邊論卷中 第十頌 竭

聖諦謂前二種究竟寂滅四道聖諦謂即若集能對治道已說諦義乘義云何頃曰

由功德過失及無分別智依他自出離是乘義應知

論曰應知乘者謂即三乘此中如應顯示其義若從他聞涅槃功德生死過失而起此智由斯智故得出離者是聲聞乘不從他聞涅槃功德生死過失自起此智由斯智故得出離者是獨覺乘若自然起無分別智由斯智故得出離者名無上乘已說乘義云何有為無為法義頃曰

有為無為義謂若假若因若相若寂靜若彼所觀義

論曰應知此中假謂名等因謂種子所攝藏識相謂器身并受用具及轉識攝意取思惟意謂恒時思量性識取謂五識取現境故思惟即是第六意識以能分別一切境故如是若假若因若相及相應法惣名有為若寂靜者謂所證滅及能證道能寂靜故彼所觀義謂即真如是寂靜道所緣

辯中邊論卷中 第十一頌 竭

境故如是所說若諸寂靜若所觀義惣名無為應知此中緣蓋等十義所起正知名蓋等善巧

真實應義略有二種謂即能顯所顯真實能顯真實謂即最初三種根本能顯餘故所顯真實謂後九種是初根本所顯示故所顯九者一離增上慢所顯真實二對治顛倒所顯真實三聲聞乘出離所顯真實四無上乘出離所顯真實由能成熱細能解脫故五能伏他論所顯真實依喻導理降伏他故六顯了大乘所顯真實七入一切種所知所顯真實八顯不虛妄真如所顯真實九入我執事一切秘密所顯真實

辯修對治品第四

已辯真實今次當辯修諸對治即修一切菩提分法此中先應說修念住頃曰

以麤重愛因我事無迷故為入四聖諦修念住應知

論曰麤重由身而得顯了故觀察此入苦聖諦身以有麤重諸行為相故

辯中邊論卷中 第十二頌 竭

以諸鹿重即行苦性由此聖觀有漏皆苦諸有漏受說為受因故觀察此入集聖諦心是我執所主尋事故觀察此入滅聖諦怖我斯威由斯離故觀察法故於染淨法遠離愚迷入道聖諦是故為入四聖諦理最初說修四念住觀已說修念住當說修正斷頌曰

已遍知障治一切種差別為遠離修集勤修四正斷

論曰前修念住已能遍知一切障治品類差別今為遠離所治障治及為修集能對治道於四正斷精勤修習如說已生惡不善法為令斷故乃至廣說已說修正斷當說修神足頌曰依住堪能性為一切事成滅除五過失勤修八斷行

論曰依前所修離集精進心便安住有所堪能為勝事成修四神足是諸所欲勝事因故住謂心住此即等持故次正斷說四神足此堪能性謂能滅除五種過失修八斷行何者名為五種過失頌曰

懈怠忘聖言及昏沉掉舉不作行作行是五失應知

論曰應知此中昏沉掉舉合為一失若為除滅昏沉掉舉不作加行或已滅除昏沉掉舉復作加行俱為過失為除此五修八斷行云何安立彼行相耶頌曰

為斷除懈怠修欲勤信安即所依能依及所因能果為除餘四失修念智思捨記言覺沉掉伏行滅等流

論曰為滅懈怠修四斷行一欲二正勤三信四輕安如次應知即所依等所依謂欲勤所依故能依謂勤依欲起故所因謂信是所依欲生起近因若信受彼便希聖故能果謂安是能依勤近所生果勤精進者得勝定故為欲對治後四過失如數修餘四種斷行一念二正知三思四捨如次應知即記言等記言謂念能不忘境記聖言故覺沉掉者謂即正知由念記言便能隨覺昏沉掉舉二過失故伏行謂思由能隨覺沉掉失已為欲伏除發起加行滅等流者謂彼沉掉既

斷滅已心便住捨平等而派已說修神足當說修五根所修五根云何安立頌曰

已種順解脫復修五增上謂欲行不忘不散亂思擇

論曰由四神足心有堪能順解脫分善根滿已復應修習五種增上一欲增上二加行增上三不忘境增上四不散亂增上五思擇增上此五如次第即信等五根已說修五根當說修五力何者五力次第云何頌曰

即損障名力因果立次第

論曰即前所說信等五根有勝勢用復說為力謂能伏滅不信障等亦不為彼所陵雜故此五次第依因果立以依前因引後果故謂若決定信有因果為得此果發勤精進勤精進已便住正念住正念已心則得定心得定已能如實知既如實知無事不辦故此次第依因果立如前所說順解脫分既圓滿已復修五根何位修習順決擇分為五根位五力位耶頌曰順決擇二一在五根五力

論曰順決擇分中暖頂二種在五根位忍世第一法在五力位已說修五力當說修覺支所修覺支云何安立頌曰

覺支略有五謂所依自性出離并利益及三無染支

論曰此支助覺故名覺支由此覺支位在見道廣有七種略為五支一覺所依支謂念二覺自性支謂擇法三覺出離支謂精進四覺利益支謂喜五覺無染支此復三種謂安定捨何故復說無染為三頌曰

由因緣所依自性義差別故輕安定捨說為無染支

論曰輕安即是無染因緣處重為因生諸難染輕安是彼近對治故所依謂定自性即捨故此無染義別有三說修覺支已當說修道支所修道支云何安立頌曰

分別及誨示令他信有三對治障亦三故道支成八

論曰於修道位建立道支故此道支廣八略四一分別支謂正見此雖是

辯中邊論卷中

第十六

頌

辯中邊論卷中

第十七

頌

世間而出世後得由能分別見道位中自所證故二誨示他支謂正思惟正語一分等起發言誨示他故三令

他信支此有三種謂正語正業正命四對治障支亦有三種謂正精進正

念正定由此道支略四廣八何緣後二各分為三頌曰

表見戒遠離今他深信受對治本隨惑及自在障故

論曰正語等三如次表已見戒遠離今他信受謂由正語論議決擇令他

信知已有勝慧由正業故不作邪業今他信知已有淨戒由正命故應量

應時如法乞求未鉢等物今他信已有勝遠離正精進等三如次對治本

隨二煩惱及自在障此所對治略有三種一根本煩惱謂修所斷二隨煩

惱謂憍沉掉舉三自在障謂障所引勝品功德此中正精進別能對治初

為對治彼勤修道故正念別能對治第二繫念安住止等相中遠離憍沉

及掉舉故正定別能對治第三依勝靜慮速能引發諸神通等勝功德故

修治差別云何應知頌曰

有倒順無倒無倒有倒隨無倒無倒隨是修治差別

論曰此修對治略有三種一有顛倒順無顛倒二無顛倒有顛倒隨三無

顛倒無顛倒隨如是三種修治差別如次在異生有學無學位菩薩二乘

所修對治有差別相云何應知頌曰

菩薩所修習由所緣作意證得殊勝故與二乘差別

論曰聲聞獨覺以自相續身等為境而修對治菩薩通以自他相續身等

為境而修對治聲聞獨覺於身等境以無常等行相思惟而修對治若諸

菩薩於身等境以無所得行相思惟而修對治聲聞獨覺修念住等但為

身等速得離繫若諸菩薩修念住等不為身等速得離繫但為證得無住

涅槃菩薩與二乘所修對治由此三緣故而有差別

修對治惣義者謂開覺修損減修瑩飾修發上修隣近修謂隣近見道故

證入修增勝修初位修中位修後位

辯中邊論卷中

第十八

頌

第三二冊

三四九

第三二冊

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

三四九

修有上修無上修謂所緣作意至得殊勝

辯修分位品第五

已說修對治修分位云何頌曰

所說修對治分位有十八謂因入行果作無作殊勝上無上解行入出離記說灌頂及證得勝利成所作

論曰如前所說修諸對治差別分位

有十八種一因位謂住種性補特伽

羅二入位謂已發心三加行位謂發

心已未得果證四果位謂已得果五

有所作位謂住有學六無所作位謂

住無學七殊勝位謂已成就諸神通

等殊勝功德八有上位謂超聲聞等

已入菩薩地九無上位謂已成佛從

此以上無勝位故十勝解行位謂勝

解行地一切菩薩十一證入位謂極

喜地十二出離位謂次六地十三受

記位謂第八地十四辯說位謂第九

地十五灌頂位謂第十地十六證得

位謂佛法身十七勝利位謂受用身

十八成所作位謂變化身此諸分位

差別雖多應知略說但有三種其三

者何頌曰

應知法界中略有三分位不淨淨不淨

清淨隨所應

論曰於真法界位略有三隨其所應

攝前諸位一不淨位謂從因位乃至

加行二淨不淨位謂有學位三清淨

位謂無學位云何應知依前諸位老

別建立補特伽羅頌曰

依前諸位中所有差別相隨所應建立

諸補特伽羅

論曰應知依前諸位別相如應建立

補特伽羅謂此住種性此已發心等

修分位慈義者謂堪能位即種性位

發趣位即入加行位下淨位淨不淨

位清淨位有莊嚴位遍滿位謂遍滿

十地故無上位

辯中邊論卷中

七

癸卯歲高麗國大藏部監奉
勅雕造

辯中邊論卷下

世觀菩薩造

大唐三藏法師 奘奉 詔譯

竭

辯得果品第六

已辯修位得果云何頌曰

器說為異熱力是彼增上愛樂增長淨

如次即五果

論曰器謂隨順善法異熱力謂由彼

器增上力令諸善法成上品性愛樂

謂先世數修善力今世於善法深生

愛樂增長謂現在數修善力今所修

善根速得圓滿淨謂障斷得永離繫

此五如次即是五果一異熟果二增

上果三等派果四士用果五離繫果

復次頌曰

復略說餘果後後初數習究竟順障滅

離勝上無上

論曰略說餘果差別有十一後後果

謂因種性得發心果如是等果展轉

應知二最初果謂最初證出世間法

三數習果謂從此後諸有學位四究

竟果謂無學法五隨順果謂因漸次

應知即是後後果攝六陸滅果謂能
斷道即最初果能滅障故說為障滅
七離繫果謂即數習及究竟果學無
學位如次速離煩惱繫故八殊勝果
謂神通等殊勝功德九有上果謂菩
薩地超出餘乘未成佛故十無上果
謂如來地此上更無餘勝法故此中
所說後六種果即究竟等前四差別
如是諸果但是略說若廣說即無量
果惣義者謂攝受故差別故宿習故
後後引發故攝故擇故此中攝受者
謂五果差別者謂餘果宿習者謂異
熟果後後引發者謂餘四果攝受者
謂後等四果擇者謂隨順等六果分
別前四果故

辨無上乘品第七

已辨得果無上乘今當說頌曰

惣由三無上 說為無上乘 謂正行所緣
及修證無上

論曰此大乘中惣由三種無上義故
名無上乘三無上者一正行無上二
所緣無上三修證無上此中正行無
上者謂十波羅蜜多行此正行相云

辨中邊論卷下

第三頌

頌

何應知頌曰

正行有六種 謂最勝作意 隨法離二邊
差別無差別

論曰即於十種波羅蜜多隨修差別
有六正行一最勝正行二作意正行
三隨法正行四離二邊正行五差別
正行六無差別正行最勝正行其相
云何頌曰

最勝有十二 謂廣大長時 依處及無盡
無間無難性 自在攝發起 得等流究竟
由斯說十度名波羅蜜多

論曰最勝正行有十二種一廣大最
勝二長時最勝三依處最勝四無盡
最勝五無間最勝六無難最勝七自
在最勝八攝受最勝九發起最勝十
至得最勝十一等流最勝十二究竟
最勝此中廣大最勝者終不欣樂一
切世間富樂自在志高遠故長時最
勝者三無數劫熏習成故依處最勝
者普為利樂一切有情為依處故無
盡最勝者迴向無上正等菩提無窮
盡故無間最勝者由得自他平等勝
解於諸有情發起施等波羅蜜多速

辨中邊論卷下

頌

圓滿故無難最勝者於他有情所修

善法但深隨喜令自施等波羅蜜多
速圓滿故自在最勝者由虛空藏等
三摩地力令所修施等速圓滿故攝
受最勝者無分別智之所攝受能令
施等極清淨故發起最勝者在勝解
行地最上品忍中至得最勝者在極
喜地等流最勝者在次八地究竟最
勝者在第十地及佛地中菩薩如來
因果滿故由施等十波羅蜜多皆有
如斯十二最勝是故皆得到彼岸名
何等名為十到彼岸頌曰

十波羅蜜多 謂施戒安忍 精進定般若
方便願力智

論曰此顯施等十度別名施等云何
各別作業頌曰

饒益不害受 增德能入脫 無盡常起定
受用成熟他

論曰此顯施等十到彼岸各別事業
如次應知謂諸菩薩由布施波羅蜜
多故於諸有情普能饒益由淨戒波
羅蜜多故於諸有情不為損害由安
忍波羅蜜多故他損害時深能忍受

辨中邊論卷下

第四頌

頌

由精進波羅蜜多故增長功德由靜慮波羅蜜多故起神通等能引有情今入正法由般若波羅蜜多故能正教授教誡有情令得解脫由方便善巧波羅蜜多故迴向無上正等菩提

能令施等功德無盡由願波羅蜜多故攝受隨順施等勝生一切生中恒得值佛恭敬供養常起施等由力波羅蜜多故具足思擇修習二力伏滅諸障能令施等常決定轉由智波羅蜜多故離如聞言諸法迷謬受用施等增上法樂無倒成熟一切有情如是已說最勝正行作意正行其相云何頌曰

菩薩以三慧 恒思惟大乘 如所施設法 名作意正行

論曰若諸菩薩以聞思修所成妙慧教數作意思惟大乘依布施等如所施設契經等法如是名為作意正行此諸菩薩以三妙慧思惟大乘有何功德頌曰

此增長善界入義及事成 論曰聞所成慧思惟大乘能令善根

界得增長思所成慧思惟大乘能正悟入所聞實義修所成慧思惟大乘能令所求事業成滿謂能趣入修治地故作意正行有何助伴頌曰 此助伴應知 即十種法行

論曰應知如是作意正行由十法行之所攝受何等名為十種法行頌曰 謂書寫供養施他聽披讀受持正開演 誦誦及思修

論曰於此大乘有十法行一書寫二供養三施他四若他誦讀專心諦聽五自披讀六受持七正為他開演文義八誦誦九思惟十修習行十法行獲幾所福頌曰

行十法行者獲福聚無量

論曰修行如是十種法行所獲福聚其量無邊何故但於大乘經等說修法行獲最大果於聲聞乘不如是說頌曰

勝故無盡故 由攝他不息

七

論曰於此大乘修諸法行由二緣故獲最大果一最勝故二無盡故由能攝益他諸有情是故大乘說為最勝

由雖證得無餘涅槃利益他事而恒不息是故大乘說為無盡如是已說作意正行隨法正行其相云何頌曰 隨法行二種 謂諸無散亂無顛倒轉變 諸菩薩應知

論曰隨法正行略有二種一無散亂轉變二無顛倒轉變菩薩於此應正了知此中六種散亂無故名無散亂六散亂者一自性散亂二外散亂三內散亂四相散亂五麤重散亂六作意散亂此六種相云何應知頌曰

出定於境源味沉掉矯示我執心下劣 諸智者應知

論曰此中出定由五識身當知即是自性散亂於境源者馳散外緣即外散亂味沉掉者味著等持惛沉掉舉即內散亂矯示者即相散亂矯現相已修定加行故我執者即麤重散亂由麤重力我憊現行故心下劣者即作意散亂依下劣乘起作意故菩薩於此六散亂相應遍了知當遠離滅如是已說無散亂轉變無顛倒轉變云何應知頌曰

智見於文義作意及不動二相添淨客
無怖高無倒

論曰依十事中如實智見應知建立
十無倒名此中云何於夫無倒頌曰
知但由相應 串習或翻此有義及非有
是於文無倒

論曰若於諸文能無間斷次第宣唱
說名相應共許此名唯目此事展轉
憶念名為串習但由此二成有義文
與此相違文成無義如實知見此二
文者應知是名於文無倒於義無倒
其相云何頌曰

似二性顯現如現實非有知離有非有
是於義無倒

論曰似二性顯現者謂似所取能取
性現亂識似彼行相生故如現實非
有者謂如所顯現實不如是有離有
者謂此義所取能取性非有故離非
有者謂彼亂識現似有故如實知見
此中義者應知是名於義無倒於作
意無倒者頌曰
於作意無倒知彼言重習 言作意彼依
現似二因故

辯中邊論卷下

第八頌

竭

論曰所取能取言所重習名言作意
即此作意是所能取分別所依是能
現似二取因故由此作意是戲論想
之所重習名言作意如實知見此作
意者應知是於作意無倒於不動無
倒者頌曰

於不動無倒謂知義非有非無如幻等
有無不動故

論曰前說諸義離有非有此如幻等
非有無故謂如幻作諸為馬等彼非
實有為馬等性亦非全無亂識似彼
諸為馬等而顯現故如是諸義無如
現似所取能取定實有性亦非全無
亂識似彼所取能取而顯現故等聲
顯示陽焰夢境及水月等如應當知
以能諦觀義如幻等於有無品心不
動散如實知見此不動者應知是於
不動無倒於二相無倒者謂於自相
及共相中俱無顛倒於自相無倒者
頌曰

於自相無倒知一切唯名離一切分別
依勝義自相

論曰如實知見一切眼色乃至意法

辯中邊論卷下

第九頌

竭

皆唯有名即能對治一切分別應知
是於自相無倒此依勝義自相而說
若依世俗非但有名可取種種差別
相故於共相無倒者頌曰
以離真法界無別有一法 故通達此者
於共相無倒

論曰以無一法離法無我者故真法
界諸法共相攝如實知見此共相者
應知是於共相無倒於添淨無倒者
頌曰

知顛倒作意 未滅及已滅於法界難添
清淨無顛倒

論曰若未斷滅顛倒作意今時法界
說為難添已斷滅時說為清淨如實
知見此添淨者如次是於添淨無倒
於客無倒其相云何頌曰

知法界本性 清淨如虛空故添淨非主
是於客無倒

論曰法界本性清淨若虛空由此應知
先添後淨二差別相是客非主如實
知見此客相者應知是名於客無倒
於無怖無高俱元顛倒者頌曰

有情法無故添淨性俱無知此無怖高

辯中邊論卷下

第十頌

竭

◇高麗大藏經◇

三五四

是於二無倒

論曰有情及法俱非有故彼清淨性亦俱非有以清淨義俱不可得故清淨品無減無增由此於中无怖無慢如寶知見無怖高者應知是名於二無倒

無倒行惣義者謂由文無倒能正通達止觀二相由義無倒能正通達諸顛倒相由作意無倒於倒因緣能正遠離由不動無倒善取彼相由自相無倒修彼對治无分別道由共相無倒能正通達本性清淨由染淨无倒了知未斷及已斷障由客無倒如實了知染淨二相由無怖無高二種無倒諸障斷滅得永出離此十無倒如次安立於彼十種金剛句中何等名為十金剛句謂有非有無顛倒所依幻等喻無分別本性清淨難染清淨虛空喻無減無增為攝如是十金剛句有二頌言

且初安立十金剛句自性者謂自性故所緣故無分別故釋難故自性故者謂三自性即圓實遍計所執及依他起是初三句其次應知所緣故者即三自性無分別故者謂由此无分別即無分別智及於此無分別即本性清淨如次應知安立境智謂三自性及無分別智故者謂所餘句且有難言遍計所執依他起相若實是無云何可得若實是有不應諸法本性清淨為釋此難說幻等喻如幻事等雖實是無而現可得復有難言若一切法本性清淨如何得有先染後淨為釋此難說有染淨及虛空喻謂如虛空雖本性淨而有雜染及清淨時復有難言有無量佛出現於世二一能度無量有情今出生死入於涅槃云何生死無斷滅失涅槃界中無增益過為釋此難說染及淨無減無增又有情界及清淨品俱無量故第二安立彼自性者如有頌言

如是已說隨法正行離二邊正行云何應知如寶積經所說中道行此行遠離何等二邊頌曰
異性與一性 外道及聲聞 增益損減邊 有情法各二 所治及能治 常住與斷滅 所取能取邊 染淨二三種 分別二邊性 應知復有七 謂有非有邊 所能寂怖畏 所能取正邪 有用并無用 不起及時等 是分別二邊
論曰若於色等執我有異或執是一各為一邊為離此執說中道行謂觀無我乃至儒童見有我者定起此執我異於身或即身故若於色等執為常住是外道邊執無常者是聲聞邊為離此執說中道行謂觀色等非常無常定執有我是增益有情邊定執無我是損減有情邊彼亦撥無假有情故為離此執說中道行謂我无我二邊中智定執心有實是增益法邊定執心無實是損減法邊為離此執說中道行謂於是處無心无思無意識執有不善等諸雜染法是所治邊執有善等諸清淨法是能治邊為

離此執說中道行謂於二邊不隨觀說於有情法定執為有是常住邊定執非有是斷滅邊為離此執說中道行謂即於此二邊中智執有無明所取能取各為一邊若執有明所取能取各為一邊如是執有所治諸行能治無為乃至老死及能滅彼諸對治道所取能取各為一邊此所能治所取能取即是黑品白品差別為離此執說中道行謂明無明無二無二分乃至廣說明無明等所取能取皆非有故離染有三謂煩惱雜染業雜染生雜染煩惱雜染復有三種一諸見二貪瞋癡相三後有願此能對治謂空智無相智無願智業雜染謂所作善惡業此能對治謂不作智生雜染有三種一後有生二生已心心所念念起三後有相續此能對治謂無生智無起智無自性智如是三種雜染除滅說為清淨空等智境謂空等法三種雜染隨其所應非空等智令作空等由彼本性是空性等法界本來性無染故若於法界或執雜染或

辯中邊論卷下

第一四九

竭

執清淨各為一邊本性無染非染淨故為離此執說中道行謂不由空能空於法法性自空乃至廣說復有七種分別二邊何等為七謂分別有分別非有各為一邊彼執實有補特伽羅以為壞滅立空性故或於無我分別為無為離如是二邊分別說中道行謂不為滅補特伽羅方立空性然彼空性本性自空前際亦空後際亦空中際亦空乃至廣說分別所寂分別能寂各為一邊執有所斷及有能斷怖畏空故為離如是二邊分別說虛空喻分別所怖分別從彼所生可畏各為一邊執有遍計所執色等可生怖故執有從彼所生苦法可生畏故為離如是二邊分別說盡師喻前虛空喻為聲聞說今盡師喻為菩薩說分別所取分別能取各為一邊為離如是二邊分別說幻師喻由唯識智無境智生由無境智生復捨唯識智境既非有識亦是無要託所緣識方生故由斯所喻與喻同法分別正性分別邪性各為一邊執如

辯中邊論卷下

第一五〇

竭

實觀為正為邪二種性故為離如是二邊分別說兩木生火喻謂如兩木雖無火相由相鑽截而能生火火既生已還燒兩木此如實觀亦復如是雖無聖道正性之相而能發生正性聖慧如是正性聖慧生已復能除遣此如實觀由斯所喻與喻同法然其實觀雖無正性相須正性故亦無邪性相分別有用分別無用各為一邊彼執聖智要須分別方能除染或全無用為離如是二邊分別說初燈喻分別不起分別時等各為一邊彼執能治畢竟不起或執與染應等時長為離如是二邊分別說後燈喻如是已說離二邊正行差別無差別正行云何頌曰差別無差別應知於十地十波羅蜜多增上等修集論曰於十地中十到彼岸隨一增上而修集者應知說為差別正行於一切地皆等修集布施等十波羅蜜多如是正行名無差別六正行惣義者謂即如是品類最勝由此思惟如所

辯中邊論卷下

第一五一

竭

施設大乘法等由如是品無亂轉變
修奢摩他及無倒轉變修毗鉢舍那
為如是義修中道行而求出離於十
地中修習差別無差別行如是已說
正行無上所緣無上其相云何頌曰
所緣謂安界所能立任持印內持通達
增證運最勝

論曰如所緣有十二種一安立法
施設所緣二法界所緣三所立所緣
四能立所緣五任持所緣六印持所
緣七內持所緣八通達所緣九增長
所緣十分證所緣十一等運所緣十
二最勝所緣此中最初謂所安立到
彼岸等差別法門第二謂真如第三
第四次應知即前二種到彼岸等
差別法門要由通達法界成故第五
謂聞所成慧境任持文故第六謂思
所成慧境印持義故第七謂修所成
慧境內別持故第八謂初地中見道
境第九謂修道中乃至七地境第十
謂即七地中世出世道品類差別分
分證境第十一謂第八地境第十二
謂第九第十如來地境應知此中即

辯中邊論卷下

第七張

頌

初第二隨諸義位得彼彼名如是已
說所緣無上修證無上其相云何頌曰
修證謂無開不毀動圓滿起堅固調柔
不住無障息

論曰如是修證想有十種一種性修
證緣無開故二信解修證不謗毀大
乘故三發心修證非下劣乘所擾動
故四正行修證波羅蜜多得圓滿故
五入離生修證起聖道故六成熟有
情修證堅固善根長時集故七淨土
修證心調柔故八得不退地受記修
證以不住著生死涅槃非此二種所
退轉故九佛地修證無二障故十示
現菩提修證無休息故無上乘慈義
者略有三種無上乘義謂正行無上
故正行持無上故正行果無上故何
故此論名辯中邊頌曰

此論辯中邊深密堅實義廣大一切義
除諸不吉祥

論曰此論能辯中邊行故名辯中邊
即是顯了慶中二邊能緣行義又此
能辯中邊境故名辯中邊即是顯了
慶中二邊所緣境義或此正辯離初

辯中邊論卷下

第八張

頌

後邊中道法故名辯中邊此論所辯
是深密義非諸尋思所行處故是堅
實義能摧他辯非彼伏故是廣大義
能辯利樂自他事故是一切義普能
決了三乘法故又能除滅諸不吉祥
永斷煩惱所知障故
我辯此論諸功德 咸持普施群生類
今獲勝生增福慧 疾證廣大三菩提
辯中邊論卷下

癸卯歲高麗國大藏都監奉
勅雕造

辯中邊論卷下

第九張

頌